

797 obtemperare velit. Sin autem, vel tuam corrige vitam et<sup>a</sup> ad Dei servitium te citius converte, quatenus tuam animam salvam facies<sup>b</sup>, si multorum propter peccata populi nequies<sup>c</sup>. Sit enim in te exemplum totius honestatis et moderationis et sobrietatis et morum nobilitatis, ut, qui te videant vel audiant, semper roborentur in bono opere et in salutis animae suae observatione confirmentur. Parvum tibi restat huius vitae 5 tempus; tantum labora, ut aeternos dies beatos habeas cum Christo et sanctis eius in saecula sempiterna.

Vos quoque omnem gentem Merciorum admoneatis, ut mores bonos et modestos et castos diligenter observent, quos beatae memoriae Offa illis instituit<sup>1</sup>; ut habeant benedictionem a domino Deo suo et regni firmitatem et fortitudinem contra hostes 10 suos. Et ut episcopi et servi Dei serviant Christo in honestate et modestia; et in sanctae religionis pietate praedicent populo; et in bono ostendant exempla; ut sint digni exaudiri a domino Deo omnipotenti pro populo suo in orationibus sanctis. Et potentes laicos rogate, ut iusta iudicia faciant in populo et casta coniugia; et ut fideles sint ad dominum suum, et unanimes et concordēs inter se ipsos. 15

Nam nostrum<sup>2</sup> regnum, id est Nordanhymbrorum, pene periit propter dissensiones intestinas et fallaces iurationes. Nec mihi videtur adhuc esse finem<sup>d</sup> illorum malitiae.

Vos vero servate vosmetipsos, ne talia accidant, sicut iam illis videtis evenisse. Sed dominum Deum diligite et eius mandata servate, ut sit benedictio illius super 20 vos; et protectores sitis patrie, quam dominus Deus dedit patribus nostris. Plurima vobis propter dilectionem patriae habui scribere, sed ea sapientiae<sup>e</sup> pauca sufficiunt.

Saluta dominum regem<sup>3</sup> ex verbis meis pacifice, si fieri possit; et suade ei Deo placere et bonis moribus se ornare; et<sup>f</sup> sibi ex regno terreno gloriam aeterni regni parare studeat. Vivite<sup>g</sup> felices et valetē in Christo carissimi amici. 25

## 123.

*Alcvinus Coenulfo regi Merciorum constituto gratulatur. Admonitiones addit.*

797.

*Cod. H fol. 105'—106'.*

*Edd. F 169, J 80. — Migne col. 232.*

EXCELLENTISSIMO<sup>a</sup> VIRO COENULVO REGI<sup>b</sup> MERCIORUM HUMILIS LEVITA ALBINUS SALUTEM. 30

Multa mihi laetitia est de vestra bonitate modestia et nobilitate morum; sicut regiam dignitatem decet omnino, ut, quanto sublimior est honore ceteris, tanto nobilior sit omni morum perfectione, iustitiae decore, pietatis sanctitate. Quia clementia regis omnium hominum, ut in antiquis legitur historiis, excellere decet<sup>c</sup> consuetudines; 35 etiam et sancta scriptura dicente: 'Misericordia et veritas exaltat solium'. Et in psalmis de Deo omnipotente dicitur: 'Universae viae Domini misericordia et veritas'. Quanto<sup>d</sup> quisque plus veritatis et misericordiae operibus fulget, tanto maiorem habet in se divinitatis imaginem.

*Cf. Prov. 20, 28.*

*Ps. 24, 10.*

<sup>a</sup>) et *add. A 1\**. <sup>b</sup>) *facias A 1\**. <sup>c</sup>) *nequeas A 1\**. <sup>d</sup>) *finem corr. in finis A 1\**. <sup>e</sup>) *vestrae addidit J; sapientibus A 1\* pro ea sapientiae.* <sup>f</sup>) *et corr. in ut A 1\**. <sup>g</sup>) *Vivete A 1.* 40

123. <sup>a</sup>) *Excelentissimo H.* <sup>b</sup>) *rege H.* <sup>c</sup>) *dedet H.* <sup>d</sup>) *quantum H.*

1) *Facile intellexeris hoc loco de legibus agi ab Offa rege scriptis, quas Aelfredus quidem rex (871—901) in suo iuris corpore condendo adhibuit, sed quae evanuerunt. V. The laws of King Alfred (Ancient laws and institutes of England 1840 p. 27). J.* 2) *Hic epistolae locus ap. Willelmum Malmesburiensem Gest. regg. Angl. L. I § 70 sic refertur: Item Osberto patricio Merciorum: Nostrum regnum 45 Northanhimbrorum pene periit propter intestinas dissensiones et fallaces iurationes.* 3) *Coenuulfum.*